

Ailanthus sa derasa e chaschuna problems

La planta ailanthus, l'usche-numnà «Götterbaum», è ina planta invasiva che deriva da l'ost da l'Asia e che sa derasa ils ultims onns adina pli svelts en Europa. Ella donnegia la biodiversità e po periclitar las plantas indigenas e la funcziun d'in gaud da protecziun. Actualmain è surtut la vart dretga da la Val Mesolcina pertutgada dal neofit. Ailanthus sa derasa sin ina surfatscha da bun in kilometer quadrat. Il deputà bergiagliot *Michael Papa* ha fatg

perquai ina dumonda a la regenza co che quella veglia dumagnar la problematica da la planta invasiva. En sia resposta renconuscha il chantun la problematica e sustegna ils plans da metter las plantas sin la glista dals organissemms scumandads ed invasivs. Plinavant saja d'empruvar d'eliminar quellas cun in erbicid. Avant dus onns ha l'uffizi per l'ambient er gia fundà in gruppa da lavur «Götterbaum» per cumbatter la derasaziun dad ailanthus.



En la Mesolcina ha la planta invasiva ailanthus pudì fitgar pe e sa derasa.